

ҲОЖИ МУЬИН ШУКРУЛЛА

ЭСКИ МАКТАБ,
ЯНГИ МАКТАБ



исмли З пардали театр рисоласидир



АШХОС:

М у л л о О ч и л д и — эски мактаб муаллими, асабий мижоз ва мутаассуб, 35 ёшар.

Э ш о н қ у л — ўз ўглини эски мактабга кетиргучи, 45 ёшар.

Б у р и — «Чор китоб»хон, 14 ёшар.

О р т у қ — «Хужа Ҳофиз»хон, 16 ёшар.

С а л и м — «Ҳафтияқ»хон, 12 ёшар.

М е л и к — ёдаки «Аҳмад»хон, 10 ёшар.

К о м и л б о й — очиқ фикрлик, янги мактаб тарафдори, 35 ёшар.

Қ о б и л ж о н — Комилбойнинг хизматкори, 25 ёшар.

Д о м л а и м о м — Муҳаққиқ олим, ҳаққоний киши, 50 ёшар.

Э л л и к б о ш и — эски фикрлик авом, 40 ёшар.

М у а л л и м Н у р и д д и н — Комилбой очган янги мактабнинг муаллими, 25 ёшар.

А ҳ м а д ж о н — биринчи синф талабаларидан, 9 ёшар.

А б д у л л а — иккинчи синф талабаларидан, 10 ёшар.

И с м о и л — учинчи синф талабаларидан, 12 ёшар.

У с м о н — тўртинчи синф талабаларидан, 14 ёшар.

БИРИНЧИ ПАРДА

Эски мактаб манзараси. Мактаб ичи зинлондек қоронғу бұлғын, уртасида учок, деворига бир фалақ (фанағ) осилғон. Бир еқда сопол офтобада сув, иккінчи еқда йириң күрпача устига 3—4 қават ифлюс кийим кийган, күкпөри афт ва асабий нахоз бир д о м л а утирган, бир ёнида чойнак, пиёла ва бир дона қотған (қоқ) нон, олдида турт оәклик узун таҳта, таҳтанинг нариғи ёғыда хас-похол устида С а л и м в а М е л и к деган икки бола уз сабоқлариди үқуб турубдурлар.

Д о м л а (*құлида таेқ*) — Ҳа, үқунглар!

М е л и к (*осмонга қараб*) — Алхамдилла... (*Янг-лиш үқүр*)

С а л и м (*домланинг таєгига қараб*) — Қоф бо лом пеш күл ҳе пеш ху қулфу-вов бо лом заввол — қулфувлом алиф залоҳи пеш ҳувв-қулфувоблоху (*Такрорлар*.)

Д о м л а (*таеқ билан Салимни урап*) — Ҳатта қараб үқу-э, бадбаҳт! Нимага таєкимга қарайсан? Таєкимдан құрқсанғ, ҳатта қара!

С а л и м (*сесканиб, безиллаб*) — Хайр, домлажон, тавба қилдим, энди ҳатта қараб үқуйман! (*Яна такрор қилар*)

Д о м л а (*құлтиғидан чой халтасини чиқариб, чойнакка чой солар. Чойнакни Салимга беріб*) — Ма, муни дамлаб кел!

С а л и м (*чойнакни олиб*) — Икки пул беринг!

Д о м л а (*киссасига құлинни солиб*) — Қаро пулым йүқ экан-ку! Үзүнгни пулинг йүқми?

С а л и м (*киссаларини куриб, зурға бир пул топар*) — Бир пул бор экан!

Д о м л а (*Меликга қараб*) Сани пулинг йүқми? Бұлса, бир пул бер!

М е л и к — Дадам шу эрта ҳалво олиб е, деб бир пул беріб әдилар, ҳалвоцидан ҳалво олиб едим, бошқа пулим йүқ!

Д о м л а (*Салимга қараб*) — Хайр, бор, бир пулин самоварцидан насия қилиб кел! Ҳудо берса, берамиз-дия! (*Салим чиқиб кетар. Домла қоқ нонни синдурмокчи булуб, қанча зүр урап, синдуролмас.*

Охир тиззасига қуюб синдуарар.) Ҳа, зоғновуд, жидо қаттиғ экан! (*Салим чойнакни дамлаб келиб домлани олдига қуяр. Домла чойнакнинг қопқогини кутариб қарап.*) Чойни ярмини йўлда тўкуб келибсан, о, бадбахт!

С а л и м (кўрқуб) — Йўқ, домлажон, ман тўкканим йўқ, ўзи тўкилгандур!

Д о м л а — Ҳеч ўзи ҳам тўкулар эканми, эй аҳмоқ!.. (*Чопқу билан нонни парча-парча кесиб, пислага солур, устидан чой қуюб, тановул қилар.*)

(Болалар бу фурсатдан истифода қилиб хас билан күшқарбозлиқ қилишуб ўтуарлар.)

Д о м л а (хўракни сб, фотиҳа ўқур) — Ҳа, ўқунглар! (*Болалар сесканиб, яна сабоқларини ўқий бошлиларлар. Меликта қараб.*) Бор, уйингда бир қўлтуқ ўтун олиб кел! Олов ёқамиз.

М е л и к — Хўш. (*Чиқиб кетуб, ўтун кстурар.*)

Д о м л а (Салимга қараб) — Сабоқингни биласанми?

С а л и м — Биламан, домла, биламан!

Д о м л а — Қани, ўқу! (*Китобга қараб қулоқ солар.*) (*Салим Домланинг қулидаги таёқга қараб ўқуб чиқар. Домла севиниб.*) Э, боракалла, ўглум, боракалла! Сабоғингни жидо яхши билибсан-ку!

С а л и м (шодланиб) — Домла, энди манга сабоқ беринг!

Д о м л а — Хуб, ҳозир сабоқ берамиз?

(Шул вақтда Ортуқ деган бир бола китобини қўлтуғига қистуриб мактабга кирад.)

О р т у қ — Ассалом! (*Болалар ўқушдан тухтаб туарларлар.*)

Д о м л а — Ваалайкум! Ҳа! Панжшанбалик нонинг қани?

О р т у қ — Эсимдан чиқибдур. Шанба куни кетурарман.

Д о м л а (аччиғланиб) — Шанбагача оч қолуб ўтураманми, бор, дарров олиб кел! Агар уйингда нон бўлмаса, нонни пулини кетур!

О р т у қ — Хўш! (*Китобини таҳтанинг устига қуюб, чиқиб кетмоқчи булар.*)

Д о м л а — Ҳой, Ортуқ! Манга қара, мунда кел! Тошқулни уйини биласанми?

О р т у қ — Биламан, домла, биламан!

Д о м л а — Ёлғон айтма? Қани, билсанг, манга айтиб бер! Тошқулнинг уйи қайдა экан?

О р т у қ — Тошқулни ҳавлиси ҳувв Тўқимдўзлик кўчасидаги масжиднинг ёнида, дарвозаси ҳавизнини қаршисида.

Д о м л а — Ҳа, тузук! Билар экансан! Энди сан бориб, Тошқулни ота-онасига айтки, келаси душанба кун домлам Тошқулни нашриҳ bogлар эканлар. Душанба кун эрталаб Тошқулжонни ясантуруб юборсунлар. Хайрми?

О р т у қ — Ҳуш! Ҳуш! (*Чиқиб кетар.*)

Д о м л а (*бир оз уйлаб*) — Эй! Яна бир гап эсимдан чиқибдур-ку! Тур, Салим! Бусага устидан Ортуқни чақир, келсун!

С а л и м — Ҳуш! (*Бусагага туруб, баланд товуш билан чақирап.*) Ортуқ! Ортуқ, ҳо-ой! Ҳо-о-ой Ортууқ!

О р т у қ (*эшитиб келур*) — Ҳа, домла, яна нима дейсиз?

Д о м л а — Бо яна панжшанбалик нонинг эсингдан чиқиб қолмасун! Ҳой, Ортуқжон болам! Сан бир навъ қилиб Тошқулни ота-онасига нашриҳни қабул қилдириб кел! Сунгра ман санга нашриҳдан тушкан рўмолчадан бераман. Қандолатидан ҳам бераман! Хайрми?

О р т у қ — Ҳуш, домлажон, ҳуш, ҳуш! (*Ниҳоятда шодланиб чиқиб кетар.*)

С а л и м (*осқға туруб*) — Домла, адаб!

Д о м л а — Бор, дарров кел! Бадрафда кесак билан ўйнаб ўтурма! (*Чиқар.*)

М е л и к (*осқға туруб*) — Домла!! Бурнимни қоқиб келай!

Д о м л а — Бор, хаял қилма, дарров кел! (*Чиқар.*) (*Домла уз-узига.*) Бу охир замон болаларини шундоқ въйдалар билан алдаб турмасак ҳам бўлмайди! Мундан аввалги бир нашриҳдан шул бадбаҳт Ортуқ З тангачи ни ўгуrlаб олиб эди. Агар бу дафъя бир мирилик рўмолча билан муни алдамасак, яна нашриҳ пулидан ўгуrlаса эҳтимол. (*Бошини солиб, бир оз тафаккурдан сунгра.*) Бу усули жадид қайси гўрдан чиқиб, бoshимизга бало булди! Жадидчилик чиқмасдан илгари мактабимизда болалар кублиқдан сигишмай, зўрга ўтарар эдилар. Ҳафтада битта нашриҳ bogлаб олардук. Ҳайр, бу абжаддаророн, қуръондаророн, китобдаророн, озодликнинг ҳадду ҳисоби йўқ эди. Ҳар ҳафта панжшанбалик нонидан токчалар тулуб ётар эди. Еганимиз олдимизда, емаганимиз орқамизда эди. Энди

бу усули жадид чиққанидаң бери бутун баракамиз учиб кетди. Мактабда ёлгуз 3—4 кал ва күр бола билан қолдук. Уфф!.. Энди бу нозу неъматларни тушумизда ҳам күролмаймиз. Энди қуруқ нондан ҳам қорнимиз тўймайдурган бўлуб қолдук... Ох!.. Худо! Садақанг бўлай! Агар бу жадидчиларнинг жазосини тезроқ бермасанг, ҳолимиз хароб! (*Қултуғидан рўмолчасини олуб, кузини ҳам бурнини артар.*)

(Салим мактабга кириб офтобадан сув ичар. Мелик Салимнинг қулидан офтобани тортиб олиб, аввал узи сув ичар.)

С а л и м (аччиғланиб) — Домла! Домла! Домла дейман! (*Йиглар.*)

Д о м л а! — Домана! Улат! Нима дейсан?

С а л и м — Мелик сув ичкани қўймайди!

Д о м л а (*Меликка қараб*) — Ҳай, жинқарча! Бир қатра жонинг билан шунча ямонлик қиласанми? Офтобани мунга бер! Сув ичсун!

М е л и к (қўрқуб) — Мана! Ичиб бўлдум, энди сан ич!

(Салим офтобани олиб сув ичар, икковлари ҳам жойларига утуарлар. Домла Меликни таёқ билан ураман деганда, Мелик юмалаб узини кейинга отар, оёғи юқори кутарилур.)

Д о м л а (*таёғи етмас*) — Ҳе, бўйнунг синсун, бадбаҳт!

М е л и к — Домлажон, тавба қилдум! (*Ўтирап.*)

Д о м л а (*Салимга қараб*) — Ўқу! Дарров сабоқингни ол! (*Салим сабоқини хатосиз ўқуб чиқар.*) Ҳа бале! Қани, бу нима? (*Алифни курсатар.*)

С а л и м — Алиф!

Д о м л а (*алиф устидаги забарни курсатиб*) — Бу нима?

С а л и м (*билмай, қўрқуб домлага қараб*) — Пеш!

Д о м л а (*атчиғланиб, Салимнинг юзига бир тарсаки урап*) — Домана, э, гаранг, каллаварам! Кўр бўлдингми, бу забар-ку!

С а л и м (*йиглаб*) — Вой, домлажон, тавба қилдим, зовар, зовар.

(Домла абжаддаги ҳарф ва ҳаракатларни битта-битта курсатиб сабоқ берар.)

(Салим янгиш-юнгиш ўқуб турап. Мелик ҳам ўкур. Ортуқ ҳориб келиб, тўп-тўғри офтобадан сув ичмоққа тутунар.)

Д о м л а (*сабрсизлик қилиб*) — Эй бўл, тезроқ

гапур! Нашриҳ нима булди? Тошқулнинг ота-онаси нима дедилар?

О р т у қ (*сувни ичиб бўлуб, узун бир нафас олуб*) — Домла! Гапингизни бориб айтдим. Тошқулни ота-онаси дедиларки, муни аввалги домласи нашриҳ боғлаб эди. Энди бу домласи ҳам нашриҳ боғлайман, дейдурми? Бу қанақа кўзи оч домла экан? Ўзи билмайдимики, нашриҳ боғламоқ бир мартаба бўлади!

Д о м л а (*кайфи учеб*) — Хайр, сен нима дединг?

О р т у қ — Ман дедимки, агар бу сўзларингизни домламга бориб айтсан, домлам Тошқулни оқ қиласарлар, сизлардан ҳам аслаҳо рози бўлмайлар. Ўглингизни бир мартаба нашриҳ боғланган бўлса, нимага шунни бошдан билдурмадингизлар? Энди бечора домлани шунча меҳнатлари куядими, дедим.

Д о м л а — Ҳа, бале! Яхши қилибсан-э! Аларни кўркутубсан. Сунгра алар бу сўзингга нима дедилар?

О р т у қ — Сунгра алар дедиларки, ундоқ эса бор! Бизлар Тошқулни бу домлаға қўймаймиз. Уч йилдан бери боламиз эски мактабда чала-чулпа ўқуб, зўрга нашриҳга кирди. Лоақал хижоҳон ҳам бўлмади. Энди қиёматда хату саводи чиқиб, мулла бўладими? (*Бир оз уйлаб.*) Эй! Яна ким нима деб эдилар. Сабил қолгур, эсимдан чиқди!

Д о м л а (*халқга қараб*) — Жуда маъналик одамни элчи қилиб юборган эканмиз! (*Ортуқга қараб.*) Тез гапур-э! Эсинг бошингдан қолсун!

О р т у қ — Ҳа, ҳа қарийб узгинаси эсимга келди. (*Бошини қашиб.*) Ҳа, зор қолгур-э! Ҳа, сунгра дедиларки, ана энди бизлар Тошқулни усули масжидга қуямиз.

Д о м л а — Усули масжид эмас, усули жадид! Ҳай, каллаварам тентак!

О р т у қ — Домла! Усул жалиди нима? Усул жалиди яхшими?

Д о м л а (*аҷчиғланиб*) — Қўй, сан бу гапларга тушунмайсан. Усул жадид деб ушал оба-боба-дада деб бемаъни сафсата гапларни ўқутадурган мактабни айтарлар. У мактаб одамни диндан чиқаради. Хайр, сунгра сан нима дединг?

О р т у қ — Ман ҳеч нима деёлмадим.

Д о м л а — Бо яна алар нима дедилар?

О р т у қ — Алар ҳам индамадилар, ман ҳам индамасдан келар бердим-дия!

Д о м л а — Ҳой, нодон, аҳмоқ! У мактаб болангизни кофир қилади, деб айтсанг, бўлмайдими?

О р т у қ — Ман не биламан?! Бошда шу гапни айтганингизда, ман ҳам устига қанча ёлғон гапларни ичимдан чиқариб, аларга айтиб, усул жалиддан ихлосларини қайтарар эдим. Ундан сунгра Тошқулни нашриҳ боғлар эдук.

Д о м л а — Қуй, қўй, энди куб мамадонолик қилма, утур! Уни нашриҳини худо манга насиб қилмаган экан-дия! Хайр, панжшанбалик нонинг қани?

О р т у қ — Ўйда нонимиз қолмаган экан. Онам дедиларки, эрта нон пишурамиз, панжшанбалик нонингни щанба кун элтиб, домлангга берасан.

Д о м л а — Ундоқ эса нонни пулини кетурсанг бўлмайдими?

О р т у қ — Отамни майда пуллари йўқ эмиш.

Д о м л а (*масхаралаб*) — Отамни майда пуллари йўқ эмиш. Ёлғончи! Бу ёлғон ҳам ўзингни ичингдан чиққандур? Наинки, отангни киссасида лоақал 8 пул ҳам бўлмаса! Еки отанг масжидда ишлайдими?

О р т у қ — Йўқ. Отам дўконхонада олача тўқийлар.

Д о м л а — Оч, китобингни уқу, эй садқа одам бўл! Ҳа, уқунглар! (*Болалар шовқунлаб уқуя бошларлар.*)

О р т у қ (*ашула мақомида*) — Агар он турки Шерози ба даст орад дили моро, Ба холи ҳиндуюш бахшам Самарқанду Бухороро. (*Такрор қилур.*)

Д о м л а (*Ортуқга қараб*) — Сан буларни ўқутуб тур! Ман таҳорат ушатиб келай. (*Салла, жомасини қуюб, нос чекиб, бошига футасини үраб чиқиб кетар.*)

(*Болалар ўқимасдан бир-бирлари билан уйнашуб, сунгра гураш тутушарлар. Ортуқ Салимни йиқитар.*)

Шул вақтда домла кирар.)

Д о м л а (*аччиғланиб*) — Ҳа, бадбаҳт, арвоҳ ургурлар! Ман бир нафас бўлмаганда, шунча тўполонг қиласизларми? (*Болалар қўрқушуб дарров жойларига утуруб ўқурлар. Домла салла-жомасини кия бошлаб, қулига таёгини олуб утурап.*) Астагфирилла алъазим!. . . Бошлаб ким уйнади?

О р т у қ — Ман «уқунглар» дедим. Салим ўқумай, ёқамдан ушлаб, «Тур! Гураш тутушамиз», деди. Сунгра ман ҳам турууб уни кўтариб урдум-дия!

Д о м л а (*Салимга қараб*) — Шундоқми?

С а ли м (*йиглаб*) — Йўқ, домлажон! Ёлғон дей-

дур! Ман ундоқ деганим йуқ! Ўзи мани қўймасдан гураш тутиб ўиқитди!

Д о м л а — Номаъқул қилибсан, бадбаҳт! Ҳамма айб үзингда! Доим ҳар балони үзунг бошлаб, айбни бошқаларнинг бўйнига тақасан. Ҳувв қайси кун мактабга келмай, кўчаларда ошуқ ўйнаб юрганингни куруб, үзумни қўрмасликка солиб эдимо. Энди қўлимга тушдингми? Тур, Ортуқ, фалақни олиб, муни оёғига сол! (*Ортуқ фалақни Салимнинг оёғига солуб, бир оёғидан узи, иккинчи оёғидан Мелик ушлаб турар. Домла таёқи билан Салимнинг оёғи тагига уруб.*) Яна гураш тушасанми? Яна мактабдан қочасанми? Ҳали шул оёғинг билан қоцдингми? (*Салим йиглаб «дод» деб тавба қилар. Шул вақтда Эшонқул деган бир киши уз үглини мактабга олиб келар. Домла болаларга қараб.*) Турунглар, дарров уз жойларингизда ўтуринглар!

(*Болалар ўтуарлар.*)

Э шонқул — Ассалому алайкум!

Д о м л а — Ваалайкум ассалом! (*Кўрушуб, жой курсатар, ўтуарлар.*)

Э шонқул (*үглига қараб*) — Лаълини домлангни қошларида қўй!

(*Үели лаълини қуюб, отасининг ёнида ўтуар. Фотиҳа ўқилур.*)

Д о м л а — Хуш келибсиз!

Э шонқул (*қўлини кўксига қуюб*) — Саломат, тақсир! Саломат!

Д о м л а — Ҳа, бу ўглунгизни мактабга кетурдингизми?

Э шонқул — Ҳа, тақсир, қулбаччангиз Бўрини кучаларда бескор юрмасун, деб хизматингизга кетурдим.

Д о м л а — Ҳай, ҳай, хуб яхши. (*Лаълини очиб, устидаги китобни бир ёқта қуюб.*) Ҳудо умрини берсун! Углингиз ниҳоятда оғир ва одоблик кўрунади! Қани, марҳамат қилинг!

Э шонқул — Хуп, тақсир!

(*Нондан тановул қилурлар. Домла болаларнинг қуллариға бир парчадан нон берар, алар ҳам сярлар.*)

Д о м л а — Ўглунгиз бошқа мактабда ҳам ўқуган эдими?

Э шонқул — Ҳа, тақсир! Қулбаччангиз 7—8 йилдан бери ўқуб юрубдур. «Чор китоб»ни қарийб тушурди. Энди жанобингиз марҳамат қилиб «Хўжа Ҳофиз»га солиб ҳам қўлига қалам берсангиз эди. Беш

вақт намозда ҳаққингизга дуо қиласман; алайҳи ҳазрат имом Аъзам пириңгизни арвоҳлари қўлласун!

Д о м л а — Худо хоҳласа, жоним билан хизмат қиласман! Сиз ҳам Бўрижонни ҳар кун мактабга юбориб туриңг-дия!

(Болалар фурсатни ганимат билуб ҳас билан уйнашуб турарлар. Аммо Бўри ҳайрон булуб, тоҳ домлага, тоҳ ўёқ-бу ёқга қараб бурнини енти билан артиб қўяр.)

Э ш о н қ у л — Хўп, тақсир! Лекин бозор кунлари келмаса урманг-дия! Бозор кунларида дўконимиздан рузғорга кераклик майдадчийда олиб келади. Бошқа кунларда келмай қолса, фалақ қилиб, хуб уринг, тақсир! Гўшту пўсти сиздан, суяги биздан. Ўрган билан бола үлмайди.

Д о м л а — Боракалла ихлосингизга! Илмни қадрини билар экансиз! Воқеан, ўткан азизлар «Хирс мулла мешавад аз зарби чуб-беадабро ҳар гуjo ёбий бекуб», демишлар. Ўзимиз ҳар устозимизнинг қанча шаллоқини еб, хизматларини қилиб, шул мартабага етдук. Шунча фаз(л)у камолот ҳосил қилдук.

Э ш о н қ у л — Ҳа, тақсир, албатта! Ота-она устозинг шалоқи дору, дерлар. Биз ўзимиз ҳам ўн йил мактабда ўқугон, бизларни давримизда домлалар мактабдан қочган болаларнинг оёғи тагини чопқу билан тилиб, туз сепар эдилар. Энди бу замонда фалақ ҳам қарийб барҳам ебдур.

Д о м л а — Бу жиҳатдан айб домлаларга эмас, айб замонага, энди ундақа нарсаларни замона кўтармайди! Эҳ-хе!.. Энди замоннинг 7 ёшар болалари ҳам закунчи бўлиб қолган. Худо курсатмасун, агар буларнинг оёғини тилиб юборсак, дарров пристуфга арз қилиб, бизни оваққа қаматарлар!

Э ш о н қ у л (бошини қимиirlатиб) — Ҳа, тақсир, рост, рост!

Д о м л а — Ҳайр, қани энди, Бўрижон болам, берироқ кел, китобингдан бошлиб ўқитайлук!

(Бўри домланинг қошига келар. Домла китобнинг бошидан 1–2 бет ўргатиб, узун фотиха ўқур.)

Э ш о н қ у л (киссасидан пул олиб, домлага берар) — Тақсир! Мунга қулбаччангизга узингиз қоғоз-қалам, сиёхи олиб берасиз! (Оёқга турар.)

Д о м л а — Ҳуб, хуб! Ҳа, кетасизми? Биронта чой ҳам қилмадук. (Оёқга турар.)

Э ш о н қ у л — Йўқ, тақсир, саломат бўлунг. Чой

ҳожат эмас. Тақсир! Таважжух қилинг, қулбаччангиз мулла бўлсун-дия!

Д о м л а — Хуб, хуб! Бўрижонни яхшилаб ўқитамиз, лекин сиз ҳам муни эрталаб, кун чиқмасдан илгари, мактабга юбориб туринг-дия!

Э ш о н қ у л — Тақсир! Уйда шундан бошқа дастёrimiz йўқ. Бўлмаса, айтган вақtingизда юборар эдим. Қулбаччангиз эрталаб турди даррав мол ва холларга қарашиб, сўнгра 3—4 йўл сув кетуради. Ундан сунгра нон-понини еб, чой-пойини ичиб, мактабга кела беради. Бу важдан кеч қолса, урушманг-дия, тақсир!

Д о м л а — Хуб, хуб! Сизнинг хурсандчилигингиз ҳар нимада бўлса, биз ушани қила берамиз, биз кўбни хизматкори!

Э ш о н қ у л — Хайр, тақсир. Худога тобшурдук!
(Чиқиб кетар.)

Д о м л а — Хайр, фи амонолла! (Утурап.) Ҳа, ўқунглар! Ҳу, шер болалар! Ҳа! Ҳа! Ҳа! (Болалар шовкунлашиб ўқуя берарлар. Домла нонларни лаълидан олиб, рўмолчасига ураб қуяр. Болаларга қараб.) Болалар, болалар! Ҳо, болалар! (Болалар эшитмаслар. Таёғни таҳтага «тақ» этиб уруб, болаларни ўқишидан тухтатур. Салимга қараб.) Ҳалифангиздан сабоқ олдингизми?

С а л и м — Ҳа, домла! Турт сабоқ олиб «Куфивон аҳад»га кирдим.

Д о м л а (севуниб) — Эй, баракалла, шаъфе! Жуда гайрат қилибсан-ку! Хайр, ундоқ эса кел, сани «табат»га солайлук. Расм ва қоида шулки, «табат»га таво, «кулиё»га қўймоқ кетурарлар. Сен ҳам бир табақ ош қилиб келасанми?

С а л и м — Ҳа, домла. Бир тавоқ ош палов қилуб кетурман! Пул ҳам олиб келаман! Домла! Озодлик кетурсам, мани озод қиласизми?

Д о м л а — Ҳа! Агар бир табақ ош ҳам пул кетурсанг, ҳаммангизни пешинда озод қилиб юбораман! Сўнгра хуб уйнайсизлар-дия!

С а л и м (шодланиб) — Хуш, домлажон, хуш!

Д о м л а (орқага қараб) — Хайр, қани, Ортуқ! Туриб, муни қулогини чуз! «Табат»га солайлук!

(Ортиқ туруб Салимнинг қулогини қаттиқ ушлаб турар.)

С а л и м — Домла! Ҳалифамга айтинг, қулогимни қаттиқ чўзмасун, оғрийди!

Домла — Ҳа! Куб қаттиғ чўзиб юборма! Қулоги йиртилиб кетади.

Ортуқ — Агар озодликни куброқ кетурмоқчи булса, қулогини секингина чўзаман!

Салим (зорланиб) — Хайр, хайр! Озодликни жуда куб кетурман! (*Домла Салимни «табат»га солар. Ортуқ Салимнинг қулогини қаттиқ чўзуб юборар. Ҳамма болалар: «Домла, озод!» деб қичқираплар. Салим қулогини ушлаб.*) Вой,вой!

Домла — Ана энди Салимжоннинг дадасини ҳимматини қурамиз-дия! Хайр, энди нарсаларингизни йигиштуринглар. Озод вақти ҳам бўлубдур! (*Болалар vogur-вугур сўйлашуб, хурсандлик билан ҳозирлануб булгандан сунгра тизлануб қатор ўтуарлар.*) Тирноқларингиз олинганми, қани манга курсатинглар! (*Болалар қурқушуб-титрашуб, бирта-бирта кслиб, домлага тирноқларини курсата бошларлар. Домла тирноқлари усган болаларнинг тирногига тахтча билан урад.*) Хайр, энди хув девор тагига бориб, қўл қовуштуруб тик турунглар. Одоби мусулмонлик ҳам намозлик ўргатамиз. (*Болалар домла курсатган жойга боруб турарлар.*) Озод бўлуб уйларингизга боргандা, нима деб кирасизлар?

Болалар — Ассалом алайкум!

Домла — Бирор чақирганда, нима дейсизлар?

Болалар — Лабба! (Лаббей.)

Домла — Иш буюрганда нима дейсизлар?

Болалар — Ҳуш!

Домла — Ҳа бале! Томларга чиқиб, шоҳлиқ учурманглар! Қучаларда чиллак, ошуқ, ишти ўйнаманглар! Тузумки?

Болалар — Ҳуш!

Ортуқ — Домла! Жумъа кунида ҳам ўйнамайлукми?

Домла — Жумъа кунида ўйнасанглар майли, зарари йўқ. Ўзларингиз билмайсизлармики, «Панжшанба — шодиён, жумъа — бозиён, шанба — ур калтак-у сур калтак», дерлар. (*Болалар пичирлашиб ошуқ ва шоҳларидан сўйлашурлар.*) Қани, энди ман намозликдан сўрай, сизлар жавоб беринглар! Намози бомдод неча ракаъат? (*Болалар бир-бирларини туртишиб, сукут қиларлар. Домла Ортуққа қараб.*) Сен булардан каттароқ, жавоб бер!

Ортуқ (уйлаб) — Олти ракаъат: учтаси фарз, учтаси суннат!

Домла — Номаъқул қилибсан-э, говлоқ бемаъни! Тұрт ракаъат, иккитаси суннат, иккитаси фарз. Аввал икки ракаъат суннатини үқурлар! Қани, айтинглар! Ният кардам багузорам... Холисолилла таоло облоҳу акбар! (*Болалар домланинг оғзидан олиб айта берарлар.* Сано, алтахиёт, салавот, дуо, дуои канаватни ўргатуб булур.) Бу ҳафта шуниси бас! Худо хоҳласа, келаси ҳафтада дуои жаноза, бинои мусулмоний, 13 фоиз, 21 вожиб, усули дин, аз кай боз мусулмоний, сарам хоки раҳ ҳар чор сарвар, бошингда нима бор? Ҳам қолган тұрт вақт намознинг ниятларини ўргатамиз.

Салим — Домлажон! Шу бугун «Бошингда нима бор?»ни сұранг! Бошқа ҳаммасидан шу жуда яхши!

Домла — Хайр, ундей бұлса айтинглар! Бошингда нима бор?

Болалар — Тожи давлат.

Домла — Қулогингда нима бор?

Болалар — Аzon ва қомат.

Домла — Кузингда нима бор?

Болалар — Нури Мұхаммад.

Домла — Оғзингда нима бор?

Болалар — Калимаи шаҳодат.

Домла — Орқангда нима бор?

Болалар — Бори шариат.

Домла — Белингда нима бор?

Болалар — Камари хизмат.

Домла — Қулингда нима бор?

Болалар — Хайру саховат.

Домла — Оєгингда нима бор?

Болалар — Пойи таҳорат.

Домла — Бурнингда нима бор?

Болалар — Чики фалокат. (*Кулушарлар.*)

Домла — Кулманлар! Нимага куласизлар?

Шариатда шарм йўқ. Бурунги аизилар айтибдурларки, «Дар талаб кардан ҳақиқати кор аз худо шарм дору шарм мадор».

(*Болалар узларини тұхтатолмай кулиша берарлар.*)

Домла аччиғланиб.) Эй, кулманлар, дейман! Кулманг! (*Охир болаларга ҳужум қилиб урмоқчи булуб.*)

Эилахи! Учмага кетинглар! Ҳеч беҳудага кула берасизларми? (*Болалар құрқишиб жим турарлар. Домла жойига келиб, салла-жомасини қуюб, бошига фута урап.*) Хайр, сизлар уйнамасдан жимгина туринглар, бир таҳорат ушатиб келай мен! (*Нос чакиб чиқиб*

кетар. Болалар бир-бири ила дүк қилишиб турганда, д о м л а кирап.)

Д о м л а — Ҳа, бадбахтлар! Ман бир нафас бўлмаганда, шунча тўпалон қиласизларми? (*Болалар дарров уз жойларида туарлар.*) Астагфирила ал-аъзим! Дукни ким бошлади?

С а л и м — Ана шул Ортиқ халифам, келинглар, дук қиламиз, деб бизларни қўймади. Нонингиздан ҳам олиб еди!

Д о м л а (*Мсликга қараб*) — Шундайми?

М е с л и к — Ҳа, домла, шундоқ, шундоқ, ман асло үйнаганим йўқ!

Д о м л а (*Мсликни бир таёқ уруб.*) — Ёлғон дема, үзинг ҳам үйнадинг-ку.

М е л и к (*йиглаб*) — Хайр, домлажон, тавба қилдим, энди үйнамайман.

Д о м л а (*Салимга қараб*) — Ортуқни орқангта кутар?!

С а л и м — Домлажон! Ман муни кўтаролмайман, бу жуда катта!

Д о м л а (*Бурига қараб*) — Ол, сан кўтар! (*Бури қурқанидан «йўқ» деслмай, Ортуқни орқасига зўрга кутариб туар. Домла таёқ билан Ортуқни орқасига утар.*) Ҳа, бадбахт! Яна бузуқбошлиқ қиласанми?

О р т у қ — Вой ўлдим! (*Дод-фарёд қилар.*)

(*Бури охир кучи етмай, Ортуқ билан баробар йиқи-лар. Домла чарчаб қолиб, фишиллаб, тез-тез нафас олуб, жойига келар. Болалар уз жойларига боруб туарлар.*)

Д о м л а (*Бурининг лаъли дастурхонини узига бериб*) — Шанба кун ҳаммаларингиз бир миридан хас пули кетуринглар! Тузумки?

Б о л а л а р — Ҳуш!

Д о м л а — Хайр, боринглар, озод!

(*Болалар баланд товуш ила баробар «Ассалому алай-кум» деб бирдан югуришиб чиққанда, Бурининг оёғи бўсағага тушиб йиқилар.*)

П а р д а т у ш а р

ИККИНЧИ ПАРДА

Қадим билан жадид ғавгоси. Мехмонхона манзараси оврупоча шаклда, бир четда кароват, уртада бир «миз» билан 3—4 курси турубдур. К о м и л б о й кароватга утурган.

К о м и л б о й (1—2 дақиқа тафаккурдан сүн оёқта туруб, у сөк-бу ёқта юруб, уз-узига) — Замон илм ва ҳунар замонидур. Ушбу замонда узга миллатларга асир бўлмай, роҳат билан яшамоқ учун замонавий илм ва ҳунарларни билмоқ лозимдур. Ҳушёр ва му тамдин бўлган миллат ҳар вақт үзининг ҳуқуқини ва динини сақламоқ тариқасини билиб, замони келганда ушбу йўлда уз жонини фидо қилмоққа ҳозир бўлуб турар. Аммо илмсиз миллат мундок фазилатдан маҳрум бўлуб, бошқаларга асиру оёқ ости бўлмоқдан бошқа чора тополмай, охири жонидан азиз бўлган динидан ҳам ажралиб қолур. Яъни, нодонлик сабабли дунёси билан динини қўлдан бермоққа мажбур бўлур. Ҳозирда биз, туркистонийлар, диний ва дунёвий илм ва ҳунарлардан лозимина хабардор эмасмиз. Эски мактабу мадрасаларимиз бўлса, бойқуш уясига ухшашиборалардан иборатдур. Мадрасаларимизда дунёвий илм нари турсин, лоақал диний илмларнинг асли бўлган тафсир ва ҳадис ҳам уқитулмайдур. Муаллим этишдурмоқ учун дорилмуаллимнимиз йўқ. Ҳунар ўрганмоқ учун синоатхонамиз йўқ. Замонча тижорат илмини биладурган савдогарларимиз йўқ. Болаларимизнинг ибтидоий таҳсили учун мунтазам ибтидоий мактабларимиз йўқ. Бўлса ҳам, йўқ даражада оздур. Бойларимизнинг базм, кубкори, тўй ва азаларда исроф қилмоққа ақчалари бор бўлса ҳам, аммо биргина мактабни уз ҳимояларига олиб тарбия қилмоқ учун ҳиммат ва гайратлари йўқ. Тұғриси, ҳиссиятлари йўқ. Бас, «йўқ»; «йўқ»дан бошқа тилга олурлик ҳеч нарсамиз йўқ. Агар ушбу йўқлик ҳол билан кета берсак, оз вақтда ҳозирги борлигимиз ҳам йўқ бўлур. Яъни мунқариз бўлурмиз. Энди бу инқироздан қутулмоқ учун нима қилмоқ керак? (*Бир оз уйлаб.*) Инқироздан қутулмоқ учун биргина йўл борки, ул ҳам маориф йўлидан иборатдур. Шоҳроҳ маорифга кирмоқ учун янага мусулмонларга лозимдурки, бошлаб эски мактабларни ислоҳ қиласйлук. Ва ҳам алоҳида янги мактаблар очмоқ учун қўлимиздан келгунча гайрат қиласйлук, тоқи болаларимиз таҳсил ибтидоийдан сунгра илм ошиқи бўлуб шоҳроҳ маорифни ахтара бошлаб, бора-бора инқироз балосидан қутулсинлар. (*Каравотга ўтириб, хизматкорини «Қобилжон!» деб чақирап.*)

Қ о б и л ж о н (*келиб, қўл қовуштириб*) — Лаббай! Нима хизмат?

К о м и л б о й — Бориб, маҳалладаги мулла
Очилди мактабдорни айтуб кел!

Қ о б и л ж о н — Хуш! (*Чиқиб кетар. 1—2
дақиқадан кейин Мулла Очилди келар.*)

М у л л а О ч и л д и — Ассалому алайкум!

К о м и л б о й — Ваалайкум ассалом! Марҳамат
қилинг! (*Жой курсатар.*)

(*Мулла Очилди — дуқат бўлуб бой билан мулоқот
қилгандан сўнгра бир курсига ўтурад, тагига қараб
яна бошқа курсига ўтуруб, фотиха укур.*)

К о м и л б о й — Хуш келибсиз?

М у л л а О ч и л д и (*икки қўлини қўксига қўйиб*) —
Саломат, саломат! (*Ҳайрон бўлуб уёқ-буёққа қарар.*)

К о м и л б о й — Қобиљон!

Қ о б и л ж о н (*келиб*) — Лаббай!

К о м и л б о й — Чой-нон кетур!

Қ о б и л ж о н — Хуш! (*Бир лаълидан нон билан
бир истакан чой кетуруб қуяр.*)

К о м и л б о й — Қани, марҳамат қилинг!

М у л л а О ч и л д и — Хуш, хуш! (*Нонни ушатиб
ер, истакандаги қошуқни олиб қарар.*) Тақсир, бу ку-
мушми? Қальғами?

К о м и л б о й — Тақсир, кумуш! Марҳамат
қилиб чойни ичинг!

М у л л а О ч и л д и — Хуб, хуб! Тақсир, бу
қошуқни мусулмон ясаганми, ўрус ясаганми?

К о м и л б о й — Ўрус ясаган! Муни ясамоқ учун
мусулмонларга илм йўқ!

М у л л а О ч и л д и — Ҳо-о-о-о шунаقا-да!
Уруслни қулидан ҳеч нарса қолган йўқ экан-дия! (*Истаканни олуб, бир қул ичканда ҳам қули қуяр, ҳам
огзи. Истаканни жойига қуюб.*) Тақсир! Ман умримда
мусулмоний пиёладан бошқа нарсада асло чой ичка-
ним йўқ. Агар мумкин бўлса, битта мусулмоний пиёла
кетурсангиз, чойни ўшанга солиб ичар эдим.

К о м и л б о й (*табассум қилиб*) — Хуб! (*Пиёлага
кетар.*)

М у л л а О ч и л д и (*қули билан қошуқ ва
истаканни курсатуб*) — Булар ўруслни иши экан. Мун-
дан чой ичмоқ азрўи шариат бизларга дуруст эмас.
Бизларнинг ота-боболаримиз ҳазрати Одам замонидан
бери чойни пиёладан ичиб келганлар.

К о м и л б о й (*пиёла кетуруб берар*) — Мана,
тақсир!

М у л л а О ч и л д и (*оёқга туруб*) — Э, саломат

бұлунг! Мани бир маشاққатдан қутқардингиз-дия!
(Үтуруб, чойни истакандан пиелага ағдарғанда, бир ози түкилур. Үялганидан.) Э, муни таги тешук эканми? *(Ичар.)*

К о м и л б о й — Мактабингиз ривожликми?
Думогингиз чоқми?

М у л л а О ч и л д и — Алхамдилилло, тақсир!
Худонинг берган ризқига қаноат қилиб, гурдан таш-қари юрубмиз!

К о м и л б о й — Даромадингиз яхшими?

М у л л а О ч и л д и — Ҳа! Насибаға яраша унчамунча бор!

К о м и л б о й — Қанча шогирдингиз бор?

М у л л а — **О ч и л д и** — Тақсир, бештагина, э, йүқ-а! Елғон бўлди, бешта эди, биртаси нашриҳни еб, қочиб кетди, ҳозир тўрттагина қолди.

К о м и л б о й — Э, ажаб! Нимага мунча шогирдингиз оз? Илгари куб эди-ку?!

М у л л а О ч и л д и (*оҳ тортиб*) — Э, тақсир, гапни тагини кавламанг. Гап кўп!

К о м и л б о й — Ҳўш, қани, нима гап экан?

М у л л а О ч и л д и — Тақсир! Шу жадидми, палидми деган бир жамоа бало чиқганидан бери бутун мазамиз қолмади. Билмайман, буларнинг домлалари дуохонники, ҳама шогирдларимизни бирта-бирта тортиб кетдилар. Уф-ф-фф! Хайр, охир бир кун худованди карим буларнинг жазосини бермай қўймас-ку! Лекин, ҳай аттанг-ки, булар кўп мусулмонларни йулдан чиқариб қўйдилар-дия! *(Соқоли билан уйнар.)*

К о м и л б о й (*таажжуб қилиб*) — Бу сўзларингиз жуда галати-ку! Жадидчилар ўзлари мусулмон бўлуб туриб уз диндошларини нечук йўлдан чиқарар эканлар? Балки бу сўзингизнинг бирон далили бордур! Даилисиз сўзнинг ҳеч ерда қабул қилинмаслиги үзингизга маълум бўлса керак.

М у л л а О ч и л д и — Ҳо, албатта, тақсир, рост дейсиз! *(Йуталиб жойидан турар, бир четга бориб, балғам туфлар. Бурнини ҳам қоқиб, қулини деворга суртар. Ҳалқга қараб.)* Сўзининг мазмунидан бу киши ҳам жадидга ухшайди. Э, худо, бу балодан тезроқ кутқарсанг эди! *(Келиб курсига утуриб.)* Тақсир! Бир оз шамол ебманми? 3—4 кундан бери йутал, тимов булубман.

К о м и л б о й — Зарари йўқ. Иншооло, яхши булуб кетасиз!

М у л л а О ч и л д и — Нафасингиз муборак!
Илаҳи шундоқ бўлсун-дия! Шу эрта...

К о м и л б о й (*сўзини кесиб*) — Қани, тақсир,
гапуринг! Ким-кимни йўлдан чиқарибдур?

М у л л а О ч и л д и (*бир оз жасорат ила*) —
Тақсир, охир шу жадид муаллимлар шогирдларимиз-
ни йўлдан чиқариб олдилар-дия! Ана шуни йўлдан
чиқариш, дерлар. Онгладингизми, бой амак.

К о м и л б о й — Ҳа! Муддаонгизнинг онгладим.
Тақсир, бу фикрингиз хато. У муаллимлар сизнинг
шогирдларингизни йўлдан чиқармаган, балки уларнинг
яхци ва осон ўқутишлари шогирдларингизни ўз тара-
фига тортгантур! Бу жиҳатдан айб аларга эмас, сизларга
булса керак. Сизнинг мунча ҳақсиз шикоятингиз маҳзи
нафсоният, таассуб ва нодонлик натижасидур!

М у л л а О ч и л д и (*аччиғланиб*) — Эй бой
амак! Секин-секин мани ҳам нодонликга чиқараёбсиз-
ми? Ман 12 йил мадрасада туруб устозимни кафшла-
рини кўтарган!

К о м и л б о й (*шиддат ила*) — Агар юз йил кафш
кўтарсангиз-у, то дарсингизни англамасангиз, ҳеч ни-
ма бўлмайсиз. Хотиржам булунг! Бу сафсаларингиз-
ни қўюнг, тақсир! Агар муддаонгиз шогирд кўпайтири-
моқ бўлса, сиз ҳам мактабингизни ислоҳ қилинг! Агар
сиз мактабингизни ислоҳ қилмоқга ҳаракат қила бош-
ласангиз, озгина вақтда шогирдингиз кўпаяди. Фараз
қилдуқ, шогирдингиз кўпаймаса, ман ўзум сизга ойи-
га 25 сўм бериб тураман. Дурустми?

М у л л а О ч и л д и (*шодланиб*) — Дуруст,
дуруст! Э, ундоқ эса иш битди. Айткан пулингизни
даррав беринг. Ман ҳозир бориб мактабни ислоҳ қила
бошлайман. Ҳай, ҳай, кўб яхши, худо давлатингизни
зиеда қилсун!

К о м и л б о й — Хуб, биз ваъдамизда турубмиз!
Сиз аввал бизга ислоҳ тариқасини айтиб беринг! Мак-
табингизни қандоқ ислоҳ қиласиз?

М у л л а О ч и л д и (*халқга қараб*) — Бу киши
жуда содда одам экан! (*Бойга қараб.*) Ислоҳни шоҳ ва
бутоги бўладими? Охир, пулингизга қараб уста, мар-
дикор, самон, ганж кетуруб аввал мактабни томини
шувайтураман, сўнгра ичини ганж билан оқартура-
ман. Ана сўнгра кўрсангиз, мактабим сизни бу меҳ-
монхонангиздан ҳам чиройлик бўлади-дия!

К о м и л б о й (*халқга қараб*) — Биз одам деб
деворга сўйлаган эканмиз! Тақсир, сиз маним гапимга

тушунмабсиз! Ислоҳдан мақсадим, яъни усули жадид мактабларидан ибрат олиб, сиз ҳам ўқутиш тартибини тузатинг, деганим!

Мулла Очилди (*аҷчиғланиб*) — Э, бўлмаса, сиз алданибсиз! Кунда 25 сўм бермоқчи бўлсангиз ҳам, ман жадидликни асло қабул қилмайман. (*Ҳалқга қараб*) Бу одам мани пул билан алдамоқчи экан! Жадидлардан ибрат ол, дейдур-о! Жадидлар келиб, манга шогирд бўлсун!

Комилбой (*димоги куюб*) — Нимага қабул қилмайсиз?

Мулла Очилди — Тақсир! Агар ман жадидликни қабул қилсан, бошлаб ҳазрат устозим мани оқ қиласлар, ундан кейин маҳалла аҳли мани ҳайдаб чиқарарлар. Сўнгра икки жаҳон овораси бўламан! (*Оёқга туруб*) Э, мани бежанжал юргани қўясанми, қўймайсанми? Агар муддаонгиз қўлимдан шу мактабни тортиб олмоқ бўлса, ана ман ҳозир бориб, мактабнинг калидини элликбошига тобшуруб кетаман. (*Чиқиб кетар*)

Комилбой (*оёқга туруб, домланинг кетига қараб*) — Ҳой, мияси ачиган нодон! Мана, мана, бизнинг эски мактабдоримизнинг ҳоли! Буларга ислоҳдан гапурсанг, жонлари чиқади! Энди мундоқ нодон мутаассиб кишиларга миллат болалари ўқуб нима бўлурлар? Ҳозир Туркистанда мингларча мактаблар, юз мингларча фарзандларимиз шундоқ жоҳил мактабдорларниг қўлларида хароб ва паришон ҳолдадурлар. Муаллим ва мураббийси шундоқ жоҳил бўлган бир миллатнинг одам қаторига кирмоғи ҳеч мумкинми экан? (*Икки қулини кутариб*) Э худо! Миллати исломга раҳм қил! Ўзинг раҳм қилмасанг,вой ҳолимизга! (*Ниҳоятда мутаассиру хафа булуб утурап. Шул чоқда хизматкори кирап*)

Кобижон — Домла имом билан элликбоши келдилар.

Комилбой — Марҳамат қилсунлар!
(*Домла имом, элликбоши кириб, салом бериб, бой билан мулоқот қилурлар. Олар утуруб, фотиха уқурлар*.)

Комилбой — Хуш келубдурлар!

Домла имом, элликбоши (*қўлларини куксиларига қуюб*) — Саломат, саломат. (*Комилбой хизматкорини чакириб, чой-нон буорар. Алар тановул қилиб туарлар*)

К о м и л б о й — Бирон иш учун келганга ухшайсизлар?

Д о м л а и м о м — Ҳа! Жанобларингизга бир арзимиз бор эди. Бу эрта жанобингиз Мулла Очилди мактабдорни чақириб, анга мактабингни ислоҳ қил, шогирдларингни усули жадид тартиби билан ўқут, деган экансиз. Ул киши таклифингизни қабул қилмай, мактабнинг қалитини жаноб элликбошига тобщуруб кетмоқчи бўлубдур. Бу ҳодисадан маҳалла аҳли хабардор бўлуб, жанобингиздан изҳори норозилик қилубдурлар. Энди жанобингиздан илтимосимиз шулки, бу ишни баҳридан кечиб, мактабнинг ихтиёрини маҳалла аҳлига қўонг! Бўлмайтурган иш учун овора бўлуб юрманг!

Э л л и к б о ш и — Дарвоқе, бу усул жадидни маҳалла мактабида жорий қилмоқ мумкин ҳам эмас, чунки муни маҳаллада бир киши хоҳласа, 20 киши хоҳламайдур. Жамоат хоҳламайдурган ёки жамоатнинг муҳолифатига сабаб бўладургон бир қоидани маҳалла мактабида жорий қилмоқ яхши эмас. Ваҳоланки, бу усули жадидни Бухорои шариф уламолари ношаръий, деб фатво берганлар. Мундоқ ношаръий ишни маҳалла мактабида жорий қилмоқ дуруст эканми?

К о м и л б о й (домлага қараб) — Тақсир! Шу усули жадид мактаби ношаръийми?

Д о м л а и м о м — Ман ўзум усули жадид мактабини ҳануз кўрганим йўқ. Аммо Бухоро уламолари ман қилубдурлар, деб эшиштган эдим. Шунинг учун ҳозир бу түгрида ўз тарафимдан ҳеч нарса деёлмайман!

К о м и л б о й — Тақсир! Бухорода жадиди усулни шаръий ва ҳам фойдалиқ, деб фатво берган бир неча мўътабар уламолар ҳам бор экан. Энди бизлар бу жамоа уламонинг фатволарини қайсисига амал қиласиз? Яна жанобингиздан сўрайманки, масалан, бир шаҳарда бир мулла чиқиб, бир нарсанинг ношаръийлигида фатво берган бўлса, бошқа шаҳардаги уламолар ҳам масаланинг ҳақиқатини тафтиш қилмасдан, ушал муллага тақлид қилмоқлари дурустми?

Д о м л а и м о м — Йўқ, асло, дуруст эмас. Ҳар бир олим кишига лозимдурки, айтадурган масаласининг асл далилини қавмоққа ўзи билсун. Тақлид авомларга дуруст. Муҳаққиқ ва чин олимнинг бошқаларга кўр-куронга тақлид қилиши асло дуруст эмас. Шунга кура, ҳозирда биз ҳам Бухоро уламоларининг усули

Жадид хусусидағи фатволарига сукут қилиб, уз тафтиши-
миздан сунгра гапурамиз.

К о м и л б о й — Тақсир! Дуо қилиб туриңг!
Яқында ман узум ҳавлимда усули жадид мактаби
очиб, имтиҳон вақтида жанобингизни таклиф қила-
ман. Келиб имтиҳонни күздан үткариб, шаръий-но-
шаръийлигини баен қиласиз!

Д о м л а и м о м — Куб яхши! Худо насиб қилса,
келиб күрамиз. Агар, дарвоқе, усули жадиднинг яхши-
лиги маълум бўлса, ул вақтда икки нафар ўғлумни
ҳам мактабингизга кетуруб қўямиз. Лекин мабодо би-
рон ношаръий жойи бўлса, узунгизга билдирамиз-дия!
Майлими?

К о м и л б о й — Майли, тақсир! Ман ҳам шул
қарорга розиман. Суҳбатингиздан мамнун бўлдум. Са-
ломат бўлунг.

*(Домла ва элликбоши бойдан рухсат олиб, фотиҳа
үқуб чиқиб кетарлар.)*

П а р д а т у ш а р

УЧИНЧИ ПАРДА

Имтиҳон мажлиси

Янги мактаб манзараси. Мактаб биноси ҳифзи сиҳат (гигиена)
коидасига мувофиқ булуб, деворига хариталар ёпуштирилган. Бир
ёқда м у а л լ и м курсига ўтурган. Муаллимнинг олдида бир
миз, ёнида бир лавҳа. Карапсида икки партага 4 т а л а б а
утурган. Бир тарафда 3—4 курси қўйилган. Парда кутарилганда: б о -
л а л а р оёқга туруб, муаллим афандига баробар салом берарлар.

М у а л л и м — Ваалайкум ассалом! Мана буқун
имтиҳон кунидир. Бу кунда сизларнинг бир йил ичи-
да ўқуган ва ёзган нарсаларингиздан халқ назарида
имтиҳон қилурмиз. Токи сизларнинг таҳсили илм йу-
лида қилган гайратингиз ва маним таълим тарбиянгиз
учун қилган ожизона хизматим халқга маълум бўлсун!
(Қўли билан ишора қилиб.) Ўтиргиз!

(Болалар ўтуарлар, шул вақтда Комилбой кирад.)
Б о л а л а р (оёқга туруб баробар) — Ассалому
алайкум!

К о м и л б о й — Ваалайкум ассалом! (Бойга жой
курсатар, ҳаммалари ўтурушарлар. Комилбой муал-
лимга қараб.) Домла имом билан элликбошини имти-
ҳонга хабар қилдингизми?

М у а л л и м — Ҳа, «Соат 8 да мактабга ташриф қилингиз», деб даъватнома юборган эдим. (*Соатига қараб.*) Ҳозир келсалар керак. (*Шул чогда домла имом билан эллик боши киарлар. Болалар оёқга туриб, салом берарлар.*)

Д о м л а и м о м — Ваалайкум ассалом!

(Бир-бирлари ила кўрушуб бўлгандан сунгра утурушиб фотиха ўқурлар, баёни хуш омади қилунур.)

К о м и л б о й (домлага қараб) — Бултур жанобингизни имтиҳон мажлисига таклиф қиласман, деб ваъда берган эдим. Букун таклифимни қабул қилиб, имтиҳонга ташриф буюрганинг учун ташаккур қиласман. Энди жанобингиздан илтимос қиласманки: имтиҳон вақтида кўзингизга кўринган яхши-ёмон ёки шаръий-ношаръий нарсаларнинг ҳар бирини айтиб туринг! Токи камчилигимиз бўлса, акмолига ҳаракат қилайлук. Ва ҳам бу ердаги халқ хато, савобнинг қайси ёқдалигини англашиб олсан!

Д о м л а и м о м — Кўб яхши! Ман ҳам бултур жанобингизга айтган эдимки, усули жадид мактабини умримда курганим йўқ. Агар кўрмоққа муваффақ бўла қолсам, ҳеч кимни риоя қиласдан шаръий-ношаръий жойларини айтуб бераман, ҳозир ҳам ушал сўзумда турубман. Қани, марҳамат қилиб болаларни имтиҳон қилдура бошланг!

К о м и л б о й — Ҳуб, тақсир. Ҳозир имтиҳон бошланадур, аммо имтиҳондан бурун жанобингиздан бир масалага сўрамоқға мажбурман.

Д о м л а и м о м — Яхши бўлади, сўранг!

К о м и л б о й -- Тақсир! Баъзи уламоларимиз: «Курсига ёки партага ўтурмоқ шаръян дуруст эмас», дерлар. Шу сўз тўғрими?

Д о м л а и м о м — Маним билганимча, бу сўз тўғри бўлмаса керак. Чунки курсига ўтурмоқ бир нав урфу расмдан иборат бўлуб, муни динга ҳеч даҳли йўқ. Яъни курсига ўтурмоқни шариатимиз ман қилган эмас. Ҳифзи сиҳат жиҳатидан қараганда ҳам ерда ўтургандан курсига ўтурмоқ фойдалидур. Зероки, курсига ўтурган киши ернинг зарарли рутубатидан қутилур. Ҳулоса: бу тўғриларда сўз жуда кўб, агар гапура берсам, имтиҳонингиз кечга қолур. Тезроқ имтиҳонни бошлатсангиз, яхши бўлур эди.

К о м и л б о й — Ҳуб, тақсир! (*Муаллимга қараб.*) Қани, шогирдларингизни имтиҳон қила бошланг, афандим!

М у а л л и м — Яхши! (Болаларга буюрар.) «Саловати тинжийно» ўқунгиз. (Болалар баробар саловат ўқуя бошлийлар. Домла имом ва элликбоши мутаас-сир булуб, кўзларидан ёш оқар. Артарлар.)

Д о м л а и м о м (муаллимга қараб) — Буларнинг ҳаммалари ўқиш-ёзища баробарми?

М у а л л и м — Йўқ, тақсир. Булар тўрт синфдан иборат булуб, ҳар синф талабанинг даражай маълумоти бошқа синфдан тафовутлиkdir. Чунончи, биринчи синф талабаси пастқадам булуб, энг пешқадами 4-синф талабасидур.

Д о м л а и м о м — Куб яхши! Булар ушбу мактабда неча йил ўқуб хат ва саводлик бўлурлар. Ва қайси илмлардан ўқурлар?

М у а л л и м — Тўрт йил ўқуб, ушбу муддатда хат ва савод чиқараплар. Ва ҳам илми ҳисоб, жуғрофия, тарихи ислом, Қуръони мұтажвидни тамом ўргануб чиқарлар.

Д о м л а и м о м — Ҳай, ҳай, куб яхши экан. Бизларнинг эски мактабларда ўн йил ўқуб, болаларимизнинг ўндан бири базур хат ва савод чиқараплар.

Э л л и к б о ш и — Шундоқ, тақсир! Ман узум 13 йил эски мактабда ўқуб, базур курсавод бўлуб чиқдим. Аммо хат ёзишдан сўрасангиз ҳозир ўз отимни ҳам ёзолмайман.

М у а л л и м — Бу мактабда ўқуган бола бир йилда номнавис бўлиб, ўзини ва бошқа ҳар кимнинг отини ёзадурган бўлади! Бизлар ўқиш-ёзишни баробар ургатамиз. Шул сабабли бул ерда болаларнинг хат ва саводи баробар чиқиб қолади.

Э л л и к б о ш и — Бизларни, эски мактабдаги домлаларни, десангиз, уҳ-хууу... Болалар мирзо Бедил китобига кирса, сунгра қўлига қалам берарлар. (*Домлага қараб.*) Тақсир! Уша учун болаларни хати чиқмай қолар экан-дия!

Д о м л а и м о м — Ҳа! Шундоқ, шундоқ!

К о м и л б о й (муаллимга қараб) — Биринчи синф шогирдини имтиҳон қилинг, афандим.

(Муаллим Аҳмаджонни тургузуб, ўқув-ёзув ва намозлиқдан имтиҳон қилар. Булар таҳсин ва оварин дерлар.)

К о м и л б о й — 2-синф шогирдини имтиҳон қилинг!

(Муаллим Абдуллани ҳафтияқ, ақоид, ҳисоб, ўқув-ёзувдан имтиҳон қилар.)

Д о м л а и м о м (таҳсин қилиб) — Бу мактабда ажиб бир яхши қоида бор эканки, болаларга ақоиднинг хуносасини ўргатилур экан. Мунга болаларнинг эътиқоди кичикликдан маҳкам бўлуб қолади!

(*Муаллим 3-синф талабасидан И smoилни илми ҳол, жуғрофия, ҳисоб, Қуръони мұтажвид, ўқув-өзувдан имтиҳон қилар.*)

К о м и л б о й — Тақсир! Болаларга жуғрофия ўқутмоқнинг зараги йўқми?

Д о м л а и м о м — Йук! Балки фойдаси бор! Чунки болалар кичикликда жуғрофия ўқусалар, дунё аҳволидан ҳабардор бўлуб, хушёр бўлурлар. Бу илм куб фойдалиқдур. Бурунги уламоларимиз ҳам жуғрофия илмида куб хизмат қилиб, ҳийла мұтабар китоблар ёзганлар.

(*Муаллим 4-синфдан Усмонни: тарихи ислом, ҳисобнинг 4 амалидан, иншо, жуғрофия ҳам Қуръондан имтиҳон қилиб бўлур. Сунгра ҳама болалар Васлий афандининг «Муножоти»ни ўқуб, фотиҳа ўқурлар.*)

Имтиҳон тамом бўлур.)

К о м и л б о й (муаллимга қараб) — Энди шогирдларингизни танаффусга чақириңг! Бизлар жаноб домла билан бир оз сүхбат қилишамиз.

(*Домла имом муаллим ва болаларни куб навозиш қилиб дуо қилар. Алар чиқарлар.*)

К о м и л б о й — Қани, тақсир! Энди мактабимизни ҳақида нима марҳамат қиласиз? Мактабимизни бирон айби ёки ношарый иши йўқ эканми?

Д о м л а и м о м — Жаноб бой! Ман бу имтиҳондан ниҳоятда хурсанд бўлдум ва ҳам бу мактабда илм, одоб, ҳусни ахлоқ, хуроса, фазилатдан бошқа ҳеч нуқсон тополмадим. Бизларнинг ақоидхону таҳзибхонлик вақтимизда ўрганадургон тажвиду ҳисоб илмларини бу ерда мактаб болаларига ўқитулур эканки, бу куб катта ишдур. Кошки 4—5 йил илгари бу мактабдан ҳабардор бўлса эдимки, қўлимдан келганча ривож ва тараққийсига хизмат қилган бўлур эдим. Ҳай, афсуски, бизнинг ҳамشاҳри мусулмон биродарларимиз шундоқ маъдани илм ва адаб бўлган мактабдан ҳабарсиздурлар. Худо хоҳласа, каминангиз мундан кейин бу мактабнинг яхшилигини ҳар ерда уламо ва авомлар мажлисида баён қиласман. Бошлаб ўзумнинг қилган ваъдам бўйинча икки нафар дуогүйзодангизни ушбу мактабга кетуруб қўяман. Ундан кейин жаноб элликбоши билан икковимиз маҳалла

аҳлини иттифоқға кетуруб, маҳалла мактабига бир нафар усули жадид муаллими қўямиз.

К о м и л б о й — Саломат бўлунг, тақсир! Кошким бошқа уламоларимиз ҳам жанобингиздек муҳаққиқ, ҳаққоний ва басиратлик бўлсалар эди. Ул вақтда барча мактабимизда усули жадид жорий бўлуб кетар эди.

Д о м л а и м о м — Жаноб бой, хотиржам бўлунг. Охир ҳақ ғалаба қилар. «Алҳақ яълу вало яъло алия», дерлар. Шояд бир кун уламои киромимиз ҳам бу мактабни ўз қузлари билан кўруб, яхшилигига қойил бўлурлар. Ул вақтда мунинг тараққийси учун ҳаракат қилмай қолмаслар, деб умид қиласман!

К о м и л б о й — Тақсир! Бизларни бойларимиз топган пулларини базм, кўбкори, тўйларда исроф қиласлар. Агар ушал ерда исроф қилина турган пулни шундоқ ўрунли жойда сарф қиласлар, қанча болалари нодонликдан қутилиб, диндан ҳам илм ва адабдан хабардор буларлар эди!

Д о м л а и м о м — Ҳо, албатта! Шояд муҳтарам бойларимиз ҳам секин-секин қўзлари очилуб, инсофга кела бошлийлар. Бошлаб сизлар намуна бўлдингизки, бу жиҳатдан масъуд ва баҳтиёрдурсиз! Дин ва илм йўлида шунча гайрат ва фидокорлик қилиб, миллат болаларини тарбия қилганингиз учун миллат номидан сизга ташаккур қиласман! Илоҳи худованд карим сиздек маорифпарвар миллат ходимларининг имсолини зиёда қилгай!

К о м и л б о й — Ҳозирча дин ва миллатим учун тилга олурлик зур хизмат қилган бўлмасам ҳам, лекин мундан сўнгра жоним борича бору будумни ушбу муқаддас йўлда сарф қилмоқ ниятидаман!

Д о м л а и м о м — Баракалла ҳимматингизга! Илоҳи, умрингиз узун, давлатингиз фузун бўлгай.

(Бойдан рухсат олиб, фотиҳа уқуб, чиқиб кетарлар.)

Парда тушар

